

Panenem Bisotup Iri Shup Douk Jon Nenekap Iri

*Banenyi Baraen Um Enyudok Binyatin Baraen
Jon Nenekan Iri*

ves 1-4 Jon nanadudareh um Gaius aria nakri-
pan Iruhin ananin yopinyi baraen um nu-
tauruman

ves 5-8 Jon nenek tenkyu um Gaius um nenek
yopihi aih

ves 9-10 Diotrefes nenek yoweishi inahos

ves 11-12 Demetrius nenek yopihi aih

ves 13-15 Tukwanin um nyatuh iri baraen

¹ Eik debeiwe iri um Iruhin ananish arpesh
iri yenekumenyugu apudok shup um nyak eikin
abom arpen Gaius. Nyak douk adur eikim
urkum manawashamen abom iri.

² Eikin arpen, eik yenek beten yarig Iruhin
um ihinyumori nyak nyuneken iri ta nyutogur
wosik abom. Aria shopunek yenek betenumen
um arugeh mare eneh hen aria nyupe wosik
abom. Kabi yadukemesh um nyakin mishin
nyor wosik aria nyanadudareh abom um Iruhin
um. ³ Nubokadae anam eikim arpeshim hanaki
hatogrumori eik. Hanaki aria hakripe hakri
nyak nyagipesh adurin atinyi baraen abom aria
nyenek adurih atih aih. Douk yemnek namudok
aria yanadudareh abom. ⁴ Aria eik imnek baraen
um agundok eikish arpesh pugipesh adurin
atinyi baraen um, eik douk apa yanadudareh

yariguk yeshagrakuk agundok yanadudareh um kupaishi eshudok eneshenesh um.

Gaius Nenek Yopinyi Mour

⁵ Eikin arpen Gaius, nyak nyagipesh yopihi aih abom aria nyenek ihinyumori mour um nyataurum amam apakimi armam um. Amam douk kupaimi madae nyudukemam iri uwe, aria nyenekumam ehudok atih yopihi aih. ⁶ Amam hanaki agundok aria hakrip ihishmorim Iruhin ananish arpesh um agundok nyakim urkum manawasham amam aria nyataurumam um. Aria yarigen um nyutaurumam um utabor o eneshenesh eshudok um amam hunak ahudok rouhi yah hunek Iruhin ananin mour um. Nyugipesh kabi Iruhin nakri um aria nyutaurumam. ⁷ Enyudok hanamen iri mour douk hanakum huneken um hutuk Krai ananin nyeigur nyuto iruhw. Aria amam douk madae hutrish enesh eshudok um eshesh madae shudukem um Iruhin iri uwe, kabi utabor um. Uwok abom. ⁸ Namudok aria apak ta mutaurum amudokmori armam. Munekesh namudok um apak ta muni amam manoprom munek enyudokmori atin um mutaurumam mukripesh adurin atinyi baraan.

Diotrefes Nenek Yoweih Aih

⁹ Eik douk yenekumepogu anap banapi shup ipak Iruhin ananish arpesh. Aria Diotrefes douk nakri nupe nurik abom nupe debeini. Anan douk madae numneken atin uwe apakin baraan, uwok. ¹⁰ Namudok aria abudok nyutob ikri inak itogragu obi nyutob, eik wosik ta ikripesh

um ihihmori anan nenekeh iri aih. Anan neyagwreh-umep enenyenen yoweinyi baraan. Aria neyagwreh-umep rohwin baraan nakrip sabaishi arpesh. Aria douk madae nunek enyudok atin uwe, uwok. Aria amudok apakim douk hanakum hunek Krai ananin mour iri, anan douk madae nukri um nuram huwih hupe ananit urupat uwe, uwok. Arpesh douk shakri um shuram um esheshig urusag iri douk shopunek nanak nakri wokumesh. Aria eshudok arpesh shakri shurao amudok arman iri douk nohiyahesh nakri mare shiron shupe Iruhin ananish arpesh, uwok.

Demitrius Nenek Yopihi Aih

¹¹ Eikin arpen, nyak mare nyugipesh yoweih aih, uwok. Nyugipesh yopihi atih abom. Meinyi arpen douk nyunek yopihi aih iri, enyen douk Iruhin ananin arpen. Aria arpen nyenek yoweih atih iri, enyen douk madae nyudukemesh um Iruhin uwe, uwok.

¹² Ihishmorim arpesh shakri Demitrius anan douk yopunyi arpen. Aria Iruhin ananin adurinyi baraan enyen kanak douk shopunek nyawereh um agundok anan douk yopini arman um. Eik shopunek yakri anan douk yopunyi arpen abom. Nyak douk nyadukemesh, um eikin baraan douk adurin.

Nyagiguk Iri Baraan

¹³ Eik yakri ikripen sabainyi baraan, aria yakri uwok um inyemagu shup meyoh, uwok.
¹⁴ Hurukatin um yakri inaku itrin aria upe atugun uneyagwreh.

¹⁵ Eik yakri nyakin mishin nyur wosik aria nyunadudareh. Apakish arpesih shape agundok iri douk shenekumenyugu yopuhi nyumnah nyak. Wosik eik yakri nyak nyunek yopuhi nyumnah um ihishmorim apakish arpesih atin atin douk shape nagundok iri.

IRUHHN ANANIN BARAEN
The New Testament in the Coastal Arapesh dialect of
the Bukiyip language of Papua New Guinea
Nupela Testemen long tokples Coastal Arapesh long
Niugini

copyright © 2003 Wycliffe Bible Translators, Inc.

Language: Coastal Arapesh (Bukiyip)

Dialect: Central

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

 You include the above copyright and source information.

 You do not sell this work for a profit.

 You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2021-05-07

PDF generated using Haiola and XeLaTeX on 21 Feb 2024 from source files dated 31 Aug 2023

d1ef5a4e-3e53-5ef0-80e4-4cd8770ca6e6